

ՄԱՐՏՈՒՆՈՒ ԵՎ ՎԱՐԴԵՆԻՍԻ ՇՐՋԱՆՆԵՐԻ ԱՆՏԻԿ
ԵՎ ՄԻՋՆԱԴԱՐՅԱՆ ՀՈՒՇԱՐՁԱՆՆԵՐԸ

Ժ. Դ. ԽԱՉԱՏՐՅԱՆ, Ա. Ա. ՔԱԼԱՆԹԱՐՅԱՆ

1968 թ. օգոստոս—սեպտեմբեր ամիսներին, հիմնականում անտիկ և միջնադարյան հուշարձանները ուսումնասիրելու նպատակով, հնագիտական հետախուզություն կատարեցինք Մարտունու և Վարդենիսի շրջաններում: Կարևոր նյութեր գտնվեցին Մարտունու շրջանի Վարդաձոր (Աղամխան) գյուղից մոտ երկու կմ արևելք՝ դեպի Սևանա լիճն ընկած ոչ մեծ բարձունքի վրա գտնվող կիկլոպյան ամրոցում: Ամրոցը, որն զբաղեցնում է մոտ մեկ հա տարածություն, ունի կանոնավոր շարված կոնտրֆորսներով պարիսպ: Ամրոցի հյուսիս-արևմտյան կողմից անցնում է նաև մի երկրորդ պարիսպ նույնատիպ քարերով, բայց ավելի անկանոն շարվածքով: Հավանաբար այն եղել է հին կիկլոպյան ամրոցի պարիսպը: Ուրարտացիների գրավելուց հետո՝ ամրոցի մոտերքում գտնվել է Ռուսա 1-ի արձանագրությունը) բարձունքի վրա կառուցվել է ավելի փոքր տարածություն ընդգրկող կանոնավոր կոնտրֆորսներով ամրոց՝ օգտագործելով հին պարսպի մի հատվածը: Հյուսիս-արևմտյան մասի քառանկյունի աշտարակն, ըստ երևույթին, կառուցվել է այս շրջանում (պահպանված մասի բարձր. 3,7 մ): Ամրոցի ներսում և պարսպից դուրս կան բնակարանների հետքեր:

Նյութական մշակույթի մնացորդները վկայում են, որ բնակավայրը հիմնականում տեղադրված է եղել արևելյան կողմում, ամրոցի մուտքի մասում: Խեցեղենի բեկորներն առավելապես ուրարտական են, սակայն կան նաև անտիկ շրջանի նյութեր: Ուշագրավ են ֆիալայի և ջրամանի գունազարդ բեկորները (Աղ. I, նկ. 1, 2): Թասի բեկորը թուխ գույնի է, բարձր վզով, նման Կարմիրբլուրի², Ջրառատի³, Արմավիրի⁴ ու Գառնիի V—IV դդ. պատկանող ֆիալաներին: Ջրամանի բեկորի կարմիր զարդերը տարբերվում են Արմավիրի⁵, Գառնիի ու Դվինի ջրամանների շրջանաձև ու ճառագայթաձև նախշերից: Վաղ հայկական և հելլենիստական միագույն և գունազարդ խեցեղենի առկայությունն ամրոցում վկայում է, որ կյանքն այստեղ շարունակվել է նաև հետուրարտական շրջանում՝ մինչև I դ.:

Գյուղի գերեզմանոցի մոտ հայտնաբերվել է մ. թ. ա. I դ. դամբարանա-

1 Ամրոցի հանույթը և մանրամասն նկարագրությունը տես՝ Գ. Հ. Միքայելյան, Սեվանի ավազանի կիկլոպյան ամրոցները (Հայաստանի հնագիտական հուշարձանները, I, Երևան, 1968, էջ 31—32, հանույթ № 55):

2 Ա. Ա. Մարտիրոսյան, Город Тейшебанин, Ереван, 1961, стр. 144—145, նկ. 68:

3 Ա. Օ. Мнацаканян, Г. А. Тирацян, Новые данные о материальной культуре древней Армении («Известия» АН Арм. ССР (общ. науки), 1961, № 8, стр. 76 և հետո, տախտ. 4):

4 Г. А. Тирацян, О расписной керамике древней Армении («Պատմա-բանասիրական հանդես», 1965, № 3, տախտ. 1, 2):

5 Նույն տեղում, տախտ. II, 4, 5:

դաշտ: Սալարկղային դամբարաններից մեկում գտնվել են մարդկային երկու կմախք, երկու սափոր, բրոնզե ապարանջան և երեք ոսկյա մատանի⁶:

Վարդաձորից ոչ հեռու Պակքար գյուղի հյուսիս-արևմտյան կողմում Բախտակ կոչվող գետակի ափին հայնաբերվել է հելլենիստական շրջանի մի բնակատեղի, որի մոտակայքում բացվել են բարարկղային և կարասային թաղումներ: Մակրարում 1957 թ. գտնվել է Արտաշես Ա-ի սահմանաքարերից մեկը⁷:



Նկ. 1. Ակունքի ամրոցի արևելյան պարսպի մի հատվածը:


Գյուղի մերձակայքում կան մեծ թվով միջնադարյան գյուղատեղիներ, գերեզմանատներ և այլն: Առանձնապես հետաքրքիր են գյուղի հյուսիսային մասում, ներկայիս գերեզմանատանը գտնված միջնադարյան նյութերը: Խեցեղենի բեկորները թույլ են տալիս ենթադրելու, որ այդ մասում VII—XIII դդ. եղել է խոշոր բնակավայր: Հավանաբար փոքր ակեղեցին վառուցվել է հնի հիմքի վրա: Ուշագրավ են հարթ և կիսակլոր կղմինդրների բեկորները, որոնք իրենց կատարման ձևերով մոտենում են Հայաստանի մյուս շրջաններում գտնված, ժամանակագրական առումով մոտ, նույնանման խեցեղենին: Կղմինդրների վրա նշմարվում են կարմիր ներկի հետքեր:

Անտիկ շրջանի հուշարձաններ են հայտնաբերվել Լիճք գյուղում: 1967 թ. հոր փորելիս բացվել է սալարկղային մի դամբարան, որի մեջ եղել է ապակյա երեք սրվակ, կավե մի փութրիկ յգուլիկ և ոսկրե երեք զարդ: Ուշագրություն է արժանի մանուշակագույն հաստ ապակուց պատրաստված, գնդաձև իրանով երկկանթանի սրվակը, որի ամրոցը փրանն ու վիղը ծածկված են սպիտակ ու դեղնավուն խալերով: Այն պատրաստված է շաղ տալու եղանակով և առաջին անգամ է հանդիպում Հայաստանում: Մյուս երկուսը կանաչավուն ապակուց

⁶ 2. Մ ար տ ի ռ ո ս յ ան, Հնագետի օրագրից (Մոսկուական Հայաստան), 20. VIII. 1957:

⁷ Նույն տեղում:

պատրաստված տանձաձև իրանով, ուսիկներով, տեղական ենթադրվող սըր-վակներ են: Ուշագրավ են նաև փոքրիկ, կարմիր փայլով պուլիկը և կենդանակերպ գլխիկներով ոսկրե զարդերը: Վերջիններս թերևս ունեն նաև պաշտամունքային նշանակություն: Դամբարանը պատկանում է մ. թ. I դ. վերջերին և II դ. սկզբին⁸:



Նկ. 2. Մաքենյաց վանքը:


Լիճքում բացվել են անտիկ շրջանի այլ դամբարաններ ևս, որոնց նյութերը չեն պահպանվել: Գյուղի հարավ-արևելյան ծայրին, բլրի վրա ջրամբար փորելիս, 1966 թ. հայտնաբերվել է կավե կոշկաձև մի դագաղ, որը, գյուղացիների վկայությամբ՝ առջևի մասում ունեցել է փլոր անցք: Մեզ հաջողվեց տեղում գտնել այդ սարկոֆագի մի քանի բեկոր: Այն պատրաստված է եղել լավ թրծված բարձրորակ կավից, մտկերեսը՝ կարմրավուն, փայլեցված: 1952 թ. կավե դագաղներ բացվել են նույն շրջանի Լեռնակերտ գյուղի մոտ (Մադինայից հարավ): Դրանք ունեցել են ուղղահայաց կողեր, դիակները տեղավորված են եղել մեջքի վրա, վզի շրջանում գտնվել է ուլունքաշար: Ցավոք՝ այդ նյութերը չեն պահպանվել: Սովետական Հայաստանում կավե դագաղներ և կոշկաձև սարկոֆագներ հայտնի էին միայն հին Վաղարշապատում⁹:

Կավե դագաղները և սարկոֆագները պատկանում են IV—V դդ., որոնց շատությունը, ինչպես նաև վարպետի դրած նշանները, թույլ են տալիս ենթադրելու նման արհեստանոցի գոյությունը Վաղարշապատում, թերևս նաև Սեվանի ավազանի խոշոր բնակավայրերից մեկում:

⁸ Ժ. Դ. Խաչատրյան, Անտիկ դամբարան Լիճքում («Պատմա-բանասիրական հանդես», 1969, № 3):

⁹ Ա. շ. Քալանթար, Հին Վաղարշապատի պեղումները, Երևան, 1935:

Ք. Քոռամանյան, Նյութեր հայկական ճարտարապետության պատմության, հատ. II, Երևան, 1948:



Աղյուսակ 1

Կավե դագաղներով թաղելու սովորությունը Հայաստան է թափանցել հավանաբար Միջագետքից, որտեղ հայտնաբերվել են պարթևական շրջանին պատկանող մեծ քանակությամբ կավե դագաղներ։ Կոշկաձև սարկոֆագները, ինչպես ճիշտ կերպով նկատել է Աշխ. Քալանթարը¹⁰, նույնպես գալիս է պարթևներից և Հայաստան է անցել Միջագետքից։ Դրանք նման են Բաբելոնում, Ուռուկում և այլուր հայտնաբերված կավե շքեղ սարկոֆագներին։



Նկ. 3. Խաչքար Վարդենիկ գյուղում (Մարտունի)։

Կավե սարկոֆագներից ոչ հեռու, բլրի վրա, հայտնաբերվեց կարասային թաղում։ Բացվեց մի փոքրիկ անշուք կարաս (բարձրությունը՝ 32 սմ, պսակի տրամագիծը՝ 22 սմ, հատակի տր. 20 սմ), որի մեջ կար մի անչափահաս երեխայի դանդ։ Կմախքը խիստ վատ էր պահպանված, ուստի չհաջողվեց պարզել դիրքը։ Կարասը (աղ. I, նկ. 3) թաղված էր ուղղահայաց վիճակում։ Այն ունի զնդաձև իրան, դուրս լայնացող պսակ, մակերեսը վալյեցված է և երկարատև օգտագործելուց մրոտված։ Փոքրիկ կարասը շատ նման է տնտեսություն մեջ օգտագործվող մ. թ. I դ. կճուճներին։

Կարասային թաղումները Հայաստանում հանդիպում են ուրարտական շրջանում¹¹, ավելի ուշ՝ մ. թ. ա. IV—III դդ.։ Գառնիում և Դվինում պեղվել են մի շարք հելլենիստական կարասային թաղումներ, որոնցից մեկում այլ իրերի հետ հայտնաբերվել է նաև Ալեքսանդր Մակեդոնացու արծաթե դրամ¹²,

¹⁰ Աշխ. Քալանթար, Նշվ. աշխ., էջ 51 և այլն։

¹¹ Ըստ պրոֆ. Հ. Ա. Մարտիրոսյանի՝ Արդիշտիսիլիում (նոր Արմավիր) հայտնաբերվել են մի քանի կարասային թաղումներ։ Կարասների մի մասը ուրարտական են, մյուսները՝ ուրարտական նյութերով և վերաբերում են մ. թ. ա. VIII դ. կեսերին։

¹² Կ. Գ. Ղաֆադարյան, Դվին քաղաքը և նրա պեղումները, Երևան, 1952, էջ 64—65, 82։

Մեր թվագրության I դ. կարասային թաղումներն ավելի լայն տարածում են ստանում: Նման թաղումներ են հայտնաբերվել Գառնիում¹³, Վերին Արտաշատում, Սևանի ավազանում, Վայոց ձորում¹⁴ (Խաչիկ գյուղ), Վաղարշապատում¹⁵, Քյուլլուջայում, Նախիջևանի շրջակայքում¹⁶, Լեռնային Ղարաբաղում և այլուր:



Նկ. 4. Գերեզմանաքար Լճակ գյուղում (Վարդենիսի շրջան):

Կարասային թաղումներ հայտնի են նաև Մարտունու շրջանի Վերին Գետաշեն գյուղում: Շինարարական աշխատանքների ժամանակ բացված գերեզմաններից մեկի մեջ հղել է երկու կավանոթ, որոնցից միայն մեկը հաջողվեց ձեռք բերել: Դա մրապատ, թխավուն, գնդաձև իրանով, կարճ վզով, դուրս ծավլող պսակով կճուճ է (աղ. I, 4) բարձր. 12սմ, բերանի տրամ. 9,5 սմ, հատակի տրամ. 8,1 սմ), փայլեցրած մակերեսով: Այն նման է մ. թ. I դարերի դամբարաններում հայտնաբերված կճուճներին, որոնցից մեծ քանակությամբ հայտնաբերվել են Գառնիում¹⁷:

Վերին Գետաշենում տարբեր ժամանակներում բացվել են սալարկղային դամբարաններ, որոնց մեջ հայտնաբերված ապակյա անոթները պահվում են Հայաստանի պետական պատմական թանգարանում: Դրանք մ. թ. I դ. տար-

¹³ Բ. Ն. Արակеляն, Гарни, II, Ереван, 1957, էջ 21, դամբ. №№ 19, 24, 39, 43.

¹⁴ Ե. Լալայան, Դամբարանների պեղումները Խորհրդային Հայաստանում, Երևան, 1931, էջ 73: Նույնի՝ Հուղարկավորության և գերեզմանների զարգացումը Հայաստանում, (ԵՏԵՊՈՒՄՈՒՄՈՒՄ և արվեստի ինստիտուտի), № 3, 1928, էջ 85—86):

¹⁵ Աշխ. Քալանթար, Նշվ. աշխ., էջ 40, նկ. 131:

¹⁶ Թ. Ի. Գոլубկինա, Находки кувшинных погребений в Нах. АССР (Доклады АН Аз. ССР, т. VIII, 1952, № 8, էջ 451—453), Նույնի՝ Раскопки кувшинных погребений в с. Коша-Диза Нахичеванской АССР (Доклады АН Аз. ССР, т. XIII, № 9, 1957).

¹⁷ Բ. Ն. Արակеляն, Гарни, I, Ереван, 1951, 29, Гарни, II, նկ. 16а, 6, տախտ. VIII.

րևր դույնների ու ձևերի, կաղապարի մեջ աղատ փշելու եղանակով պատ-
րաստված սրվակներ են: Վերջին ժամանակներս այստեղ հայտնաբերվեց
մի նոր դամբարան, ուր կոթարից բացի կար կավե մի սափոր, ապակյա երկու
սրվակ, ճարմանդ և ուլունքներ: Պարզվում է, որ Վերին Գետաշեն գյուղի
մի մասը կառուցված է անտիկ դամբարանադաշտի վրա: Մագինա տանող
ճանապարհին երևում են ավերված դամբարանների սալերը:

Նոր բացված դամբարանում գտնված կավե փոքրիկ սափորը (աղ. I, նկ. 6) պատրաստված է մուգ դարչնագույն խոշորահատիկ կավից, ունի քիչ ձգված կլոր կանթ, որի վերին ծայրն ամրացված է եռատերև պսակին (բարձր. 13 սմ, պսակի տրամ.՝ 6 սմ, հատակի տրամ.՝ 4,5 սմ):

Երևնուկաձև պսակով անոթները՝ օյնոխոյաները հայտնի են տարբեր երկրներում և սափորների ամենատարածված և ամենից երկար պահպան-
ված ձևերից են: Հայաստանի տերիտորիայում այն հայտնի է դեռևս ռար-
տական շրջանից և լայն տարածում ունի վաղ հայկական և հելլենիստական
ժամանակաշրջանում: Եռատերև սափորների ամենակատարյալ օրինակը
հայտնի է Մարտունու շրջանի Ծովինար գյուղից: Եռատերև պսակով անոթները
հասնում են մինչև ուշ միջնադար, սակայն մ. թ. I դ. նման սափորների թիվը
մեծ չէ, ուստի Վերին Գետաշենում հայտնաբերվածը հարստացնում է այդ
տիպի խեցեղենը:

Վերին Գետաշենի նորահայտ սալարկղում բացված ապակյա անոթներից
մեկը ութանիստ կողերով սրվակ է (աղ. I, նկ. 8): Այն պատրաստված է
տարբեր գույնի ապակուց. վերին մասում՝ բաց կանաչավուն, իսկ հատակի
մասում՝ մանուշակագույն: Սրվակը պատրաստված է կաղապարի (երկփեղ-
կանի) մեջ, փշելու եղանակով: Երկու զեղեցիկ կանթերը վերին ծայրով կպած
են վզի կենտրոնին, մյուսով հենված են ուսերին: Պսակը լայնանում է դեպի
գուրս (բարձր. 6,5 սմ, հատակի տրամ.՝ 1,5 սմ, պսակի տրամ.՝ 3 սմ):
Նման սրվակներ Հայաստանում հայտնի են լճաշենից (մանուշակագույն),
Անանից (դեղնավուն) և Քյուլլուջայից (մանուշակագույն)¹⁸:

Ութանիստ սրվակներ հայտնի են նաև ուրիշ հնավայրերից՝ Վրաստա-
նից¹⁹, Սիրիայից, Պանտիկապեյոնից և այլն: Նման սրվակների պատրաստ-
ման վայրը համարվում է Սիրիան, հատկապես Սիդոն բաղաբը, իսկ ժա-
մանակը՝ I-II դդ.: Լճաշենի սրվակը հայտնաբերվել է Օգոստոս կայսեր
արծաթյա դրամի հետ, իսկ Սևանինը՝ մ. թ. I դ. ոչստանող սրվակների հետ:

Վերին Գետաշենի սրվակի կանթերը, ի տարբերություն լճաշենի, Սևանի
և Քյուլլուջայի սրվակների, ստորին մասով հենված են ութանիստ կողերին:
Նման կանթերով սրվակներ հայտնի են Սիրիայում, որոնք համարվում են
մ. թ. ա. I և մ. թ. I—II դդ. գործ²⁰: Վերին Գետաշենի սրվակը կարող է պատ-
կանել մ.թ. ա. I դ.: Այդ թվագրմանը չի հակասում նաև դամբարանում գտնե-
րված խիստ ձգված իրանով սրվակը (աղ. I, նկ. 9), որը թերի է (պահպան-
ված մասի բարձր.՝ 4,5 սմ, հատակի տրամ.՝ 1,2 սմ, վզի տրամ.՝ 1,2 սմ): Այն

18 Ժ. Դ. Խաչատրյան, Հայաստանում գտնված անտիկ ապակու մի քանի նմուշներ (ՀՍՍՀ ԳԱ «Տեղեկագիր», 1964, № 12, էջ 75—76, նկ. 1, 2, 6):

19 Л. А. Чилиашвили, Города и Урочища, Тбилиси, 1964, табл. XIV, 2.

20 R. W. Smith, Glass from the ancient world, New-York, 1957, № 88; G. A. Eissen, Glass, vol. I, New-York, 1927, էջ 254, 271, տախտ. 34:

պատրաստված է բաց կանաչավուն, թափանցիկ ապակուց, փշելու եղանակով, հատակը հարթ է, իրանի անցումը վզին՝ սահուն:

Ձգված իրանով բարձր սրվակները լայնորեն տարածված են Միջերկրական ծովի արևելյան ափերին: Կապտականաչավուն և կանաչավուն ապակուց այդպիսի սրվակներ հայտնաբերվել են Դուրա--Նվրոպոսի I-II դդ. դամբարաններում²¹, Կիպրոսում և այլուր: Նման սրվակներ հայտնի են նաև հռոմեական կայսրության ապակեգործության արևմտյան կենտրոններից:

Հայաստանում ձգված իրանով սրվակներ հայտնաբերվել են դեռևս 50-ական թվականների սկզբին Գառնիի I—II դդ. դամբարաններում²² և համարվում են սիրիական կամ հարևան ապակեգործական կենտրոնների արտադրանք²³:

Վերոհիշյալ դամբարանում հայտնաբերվել են նաև բաց կանաչավուն գույնի ապակե ձարմանդ (տր.՝ 2,5 սմ) բարձրադիր գոտիներով, եզրապտական պաստալից առևակոսներով զարդարված մի ուլունք և կարմրավուն, քարե գլանաձև խոշոր ուլունք (աղ. I, նկ. 10—12) (բարձր.՝ 4,3 սմ): Նման նարմանդներ և ուլունքներ հայտնաբերվել են Գառնիում²⁴ և Վերին Արտաշատում (I դ.):

Անտիկ հուշարձանները տարածվում են նաև Վերին Գետաշենից հարավ-արևմուտք գտնվող լեռնային գյուղերում՝ Մադինայում, Լեռնակերտում, Քարաձիւում: Մադինա գյուղի կենտրոնում հայտնաբերվել են անտիկ դամբարաններ, որոնց մեջ եղել են ապակյա սրվակներ և ուլունքներ: Գյուղից մոտ 10 կմ հեռավորության վրա գտնվող արոտատեղիներում և գոմերի մոտ կան հին և միջնադարյան դամբարաններ: Դրանցից մեկում, Քարաձի կոչված վայրում ջրի հոսանքի հետևանքով բացվել են դամբարանների մեծ ու փոքր սալեր: Այստեղ տեղացիների կողմից բացված սալարկղներից մեկում հայտնաբերվել էր ապակյա երկկանթանի մի սրվակ (III-IV դդ.): Մենք պեղեցինք ևս երկու դամբարան, որոնցից մեկի կողքերին դրված էին երեքական սալաքարեր՝ ծածկված մի մեծ և փոքր սալով: Կմախքն աջ կողքի վրա էր, գլուխն՝ արևմտյան կողմում, դեմքով՝ դեպի հարավ: Դիակները վատ էին պահպանված, երկուսի մեջ էլ ոչ մի իր չկար: Այս դամբարաններից ոչ հեռու կիսաքանդ սալարկղից հայտնաբերվել էին երկու ապարանջան:

Մովսիսար գյուղում հայտնաբերվել է հելլենիստական շրջանի մի գունազարդ սափոր (I դ.) և դեղնավուն ապակուց պատրաստված, գալարուն զարդերով մի կանթանի սրվակ²⁵:

Մի շարք ուրարտական ամրոցներում կյանքը շարունակվել է նաև Վանի թագավորության անկումից հետո: Դրանցից են, օրինակ Ալբերդը (Գեղհովիտ գյուղում) հիանալի պարիսպներով գողտրիկ մի ամրոց, որի անաղարտ շեր-

²¹ N. To II, The Necropolis. The excavations at Dura-Europos Preliminary Report of the ninth season of Work 1935—1936, New-Haven, London, 1946, տախտ. XLIII, դեքեղմ. 23—XV, № 1:

²² Гарни, I, էջ 52, նկ. 44, ձախից 3-րդը, տախտ. 24, աջից 1-ինը: Гарни, II, էջ 60, նկ. 32, աջից առաջինը, տախտ. 13, աջից առաջինը:

²³ Г. А. Тирация, О торговых связях Армении с Сирией в античное время («Палестинский сборник», вып. 4 (67), М.—Л., 1959, стр. 75).

²⁴ Б. Н. Аракелян, Гарни, II, նկ. 56, 57, 58:

²⁵ Ժ. Դ. խաչատրյան, Հին Հայաստանի ապակու մասին, էջ 87 և այլն, նկ. 4:

տները շատ խոստումնալից են հնագետի համար, Ծովինարը, որից ոչ հեռու հայտնաբերվել են անտիկ դամբարաններ, Ծովակը՝ Վարդենիսի շրջանում, որտեղ հավաքած խեցեղենի մեջ կան նաև անտիկ շրջանի անոթների բեկորներ:

Տարբեր դարաշրջանների հուշարձաններով հարուստ է Վարդենիսի շրջանի Ակունք գյուղը: Գյուղում («գոմերի» շրջանում) և դրանցից հարավ կան բրոնզեդարյան դամբարաններ (մեկը պեղվել է մեր կողմից): Սակայն ամենաուշագրավը վաղ հայկական բնակավայրն է, որն իր գոյությունն անընդմեջ պահպանել է մինչև XVII դ.: Բնակավայրի կենտրոնում բարձրանում է միջնաբերդը (մոտ 2 հա) փոքրիկ բլրի վրա՝ շրջապատված հում մեծ աղյուսներով քարե հիմքերի վրա շարված հզոր բերդապարիսպով (նկ. 1): Ամրոցում մասնակի պեղումներ են կատարել Ս. Բարխուդարյանը և Գ. Տիրացյանը: Միջնաբերդի շուրջ կողմը սփռված են վաղ հայկական, հելլենիստական, այդ թվում՝ գուռադարձ և միջնադարյան խեցեղենի բեկորներ: Ծինությունների արտաքին նշանները չեն նշմարվում: Ըստ երևույթին՝ այդ վայրում գոյություն է ունեցել խոշոր բնակավայր, որը կարևոր կետ է հանդիսացել Կոթ-Պարտավ առևտրական ճանապարհի վրա: Ակունքի հանդերձում գտնվում են մոտ տասը դյուղատեղիներ, որտեղ որոշ նյութեր են պահպանվում սկսած XIII դ.: Գյուղատեղիներից մեկում գտնվել են մոտ XIII—XIV դդ. ապակե դարչնադույն ապարանջան և հախճապակե ուլունք (աղ. I, նկ. 13, 14):

«Գոմեր» կոչված վայրում, աղբյուրի մոտ, պահպանվել են 13 մեծ քարե տաշտեր, որոնք աստիճանաբար իջնում են ներքև և փոքր ակոսներով հաղորդակցվում միմյանց: Այս համալիրը լրիվ կապվում է անասնապահության հետ և իր կատարման ձևով ուշագրավ երևույթ է: Գյուղատեղիում պահպանված նյութերը թվագրվում են XV—XVI դդ.:

Այդպիսի մի հիանալի բնակավայր պահպանվել է Ալուշալու գյուղից (Մարտունու շրջան) 4 կմ հեռավորության վրա, որի կենտրոնական մասում բարձրանում են հռիփսիմյան բնույթի եկեղեցու ավերակները (IX—X դդ.)²⁶: Գյուղատեղիից, գետնի երեսից, հավաքվել են XI—XIII դդ. խեցեղենի (հասարակ և ջնարակած-միադույն) և ապակե ապարանջանների բեկորներ:

Սևանի ավազանի միջնադարյան գյուղաքաղաքներից Մաքենիսը և Կոթը մեծ դեր են կատարել միջադարձի տարանցիկ առևտրի մայրուղիների վրա: Հ. Մանանդյանը ճշտելով Դվին-Պարտավ ուղղությունը, սկզբնական շրջանի հանգուցակետը համարում է Կոթ ավանը, որից հետո՝ Մաքենիսը, որը եղել է միջնադարյան, այսպես կոչված ռադատ քաղաքներից²⁷: Այժմ Մաքենիսից դրեթե ոչինչ չի մնացել, եթե չհաշվենք Մաքենյաց վանքը (նկ. 2) (Զիշակլու գյուղ)՝ սյունյաց ճարտարապետության հույակապ կոթողներից մեկը²⁸:

Ըստ երևույթին, ավանը եղել է բարեկարգ և ունեցել է իր կոմունալ հարմարությունները: Ներկայիս գյուղից 5 կմ հարավ «Յոթ աղբյուր» կոչված վայրում

26 Ս. տ. Խ. Մ ն ա ց ա կ ա ն յ ա ն, Հայկական ճարտարապետության Սյունիքի դպրոցը, Երևան, 1960, էջ 82—85: Ի դեպ, գյուղատեղիների հարցը մեզանում քիչ է ուսումնասիրված և ցավով պետք է նշել, որ հսկայական համալիրները իրենց լավ պահպանված տնտեսական և բնակելի շենքերով կամաց-կամաց ոչնչանում են՝ օգտագործելի հողատարածություններ ձևափոխելու և քարը տեղափոխելու անվան տակ:

27 Հ. Մ ն ա ն դ յ ա ն, Հայաստանի քաղաքները IX—X դդ., Երևան, 1940, էջ 9:

28 Ս. տ. Խ. Մ ն ա ց ա կ ա ն յ ա ն, նշվ. աշխ., էջ 65—73:

գտնվել են կավե փողրակներ (մոտ 50 սմ երկ., 10—15 սմ տրամագծով); Եկեղեցու մոտ, դեպի արևմուտք գտնվել են ավելի լայն կավե խողովակներ 30—40 սմ տրամագծով: Հավանաբար այդ նույն ժամանակաշրջանին է վերաբերում նաև գյուղի մայր առու, որը տեղ-տեղ վիմափոր է:

Մարտունու շրջանի ներքին Գետաշեն գյուղը, որը գտնվում է միջնադարյան Կոթ գյուղաքաղաքի տեղում, հնագիտությանը հայտնի է իր բրոնզեդարյան դամբարաններով, գրանցում հայտնաբերված առաջնակարգ, գեղարվեստական բարձրարժեք նյութերով: Վերջին տարիներս նույն վայրից հայտնաբերվել են նյութեր, որոնք որոշ գաղափար են տալիս Սևանի ավազանի միջնադարյան արհեստագործության, մասնավորապես կավագործության մասին: Նյութերը հիմնականում հայտնաբերվել են գետի ձախ ափից՝ «Դիմացի թաղ» կոչվող վայրում: Շինարարության ժամանակ այստեղ ի հայտ են եկել տարրեր տեսակի կավե ամաններ, որոնցից մեկը խոշորահատիկ կավից, ձեռքով պատրաստված կճուճ է (աղ. I, նկ. 7) (բարձր.՝ 11,5 սմ, բերանի տրամ.՝ 12,5 սմ, հատակի տրամ.՝ 5 սմ), փոքր ինչ դուրս թեքված ակոսավոր պսակով: Իրանն ուղղորդ է և կրում է փորագիր զարդագոտի: Նույն զարդը կա նաև հատակի մասում: Մյուս անոթը ևս ձեռքով պատրաստված կճուճ է (աղ. I, նկ. 5) (բարձր.՝ 7,5 սմ, բերանի տրամ.՝ 7 սմ, հատակի տրամ.՝ 5,5 սմ) բերանի շատ նուրբ մշակումով. ունի երեք ականջաձև կանթ: Երկու անոթներն էլ թվագրվում են IX—X դդ.²⁹: Վերջին անոթի մեջ գտնվել են արաբական արժաթե դրամներ³⁰: Հետաքրքիրն այն է, որ բացի ամբողջական դրամներից, գտնվում առկա են շուրջ մի քանի հարյուրի հասնող տարբեր չափսերով կտրտված դրամակտորներ, որոնք հավանաբար օգտագործվել են որպես մանր: Նույնպիսի մի գանձ հայտնաբերվել է Մարտունու մոտ, որից դժբախտաբար շատ քիչ քան է մնացել: Նման գանձերի գյուղը վերստին հաստատում է Կոթ քաղաքի ունեցած դերը միջնադարյան տարանցիկ առևտրում:

Խոշոր բնակավայրերի մնացորդներ են պահպանվել Մովինար գյուղի շրջակայքում: Հայտնաբերված նյութերը թվագրվում են 2-րդ հազարամյակի սկզբներից մինչև մ. թ. XIII—XIV դդ.: Բնակավայրերից մեկը գտնվում է գյուղի արևելյան կողմում, մի բլրի վրա, որը ժամանակին եղել է կղզի և անառիկ ամրոց: Բլրի վրա հայտնաբերվել են IX—XIII դդ. խեցեղենի օրինակներ՝ կճուճների բեկորներ, բլթակներով կանթեր, Որոտնավանքի բնույթի հորիզոնական կանթեր (X—XI դդ.), ինչպես նաև կանաչ դուլնի ջնարակած թասի բեկորներ:

Միջնադարյան խոշոր բնակավայր է եղել նաև բուն Մովինարում: Այստեղ գերեզմանոցի շրջանում բացվել էին մեծ շինության հետքեր: Տեղում պահպանվել էին սյան երեք մեծ խորիսխներ և մի մեծ քարե սանդ, որը շարժական էր և ուներ երկու բռնակ: Տնտեսական շինության մեջ կանգուն վիճակում մի քանի ամբողջական կարասներ կային, որոնք շատ նման էին Կոթի կարասներին և ունեին քարե կլոր խուփեր: Ամբողջ համալիրը թվագրվում է XIII—XIV դդ.:

29 Ա. Ա. Քալանթարյան, Որոտնավանքի խեցեղենը (ՀՍՍՀ ԳԱ «Արաբեր» հաս. դիտ., 1967, № 4): Նման խեցեղեն մեծ քանակությամբ գտնվել են Դվինի կենտրոնական թաղամասի IX—X դդ. թվագրվող շերտերում:

30 Գտնվում են Հայաստանի պետական պատմական թանգարանում:

Մենք հայտնաբերեցինք մի հետաքրքիր բնակավայր Մովինար և Վարդենիկ գյուղերի միջև։ Բնակավայրն ուներ կանոնավոր հատակագիծ, ցայտուն կերպով երևում էին փողոցները, բնակարանները մեծ էին, խոշոր բարերով՝ շարված պատերով, մի մասն ունի՝ բառակուսի հատակագիծ և ներսում՝ տարբեր բաժանմունքներ։ Դրանով նյութերը հիմնականում խեցեղենի բեկորներ էին, մի մասը՝ ուրարտական։

Տվյալ շրջանների հարուստ միջնադարյան նյութերի մի մասը, մասնավորապես ճարտարապետական հուշարձանները, կենցաղային բանդակները (նկ. 3, 4), անհատական հուշարձանները և այլն հրատարակված են կամ պատրաստվում են հրատարակության։

Ուսումնասիրությունները վկայում են, որ անտիկ և միջնադարյան շրջանում Սևանի ավազանի այս հատվածը խիտ բնակեցված է եղել։ Տարվելիք ուսումնասիրությունները թույլ կտան ամբողջացնելու և ավելի պարզորոշ դարձնելու այդ պատկերը։

АНТИЧНЫЕ И СРЕДНЕВЕКОВЫЕ ПАМЯТНИКИ МАРТУНИНСКОГО И ВАРДЕНИССКОГО РАЙОНОВ

Ж. Д. ХАЧАТРЯН, А. А. КАЛАНТАРЯН

Р е з ю м е

Во время летней экспедиции 1968 г. нами были обнаружены в Мартунинском и Варденисском районах материалы раннеармянской и эллинистической эпох.

Особо выделяются находки из погребений села Личк (расписная керамика, стекло I—II вв.). Были найдены также остатки глиняного саркофага, кувшинные и каменные погребения.

Подъемный материал циклопических крепостей явно указывает на то, что в эллинистическую, а позднее и античную эпоху территория Севанского бассейна была густо заселена и имела тесные сношения с соседними странами, на что указывает ряд импортных изделий.

И в средние века эти районы были густо заселены. В эту эпоху бурный подъем наблюдается в строительстве (сохранились крупные монастырские комплексы), в торговле (найжены несколько больших кладов арабских серебряных монет), развивается ремесленное производство— керамика, металлообработка и т. п.

Остатки крупных поселений сохранились в Цовинаре, Верхнем Алучалу, Варденике, где была обнаружена простая и глазурованная керамика, характерная для IX—XIII вв.